



অবি লম্বে প্রকাশে র উদ্দেশ্যে 10/4/2021

গভর্নর ক্যাথি হোচুল

গভর্নর হোচুল ঘোষণা করলেন যে পোর্ট জার্তিস মেট্রো-নর্থ রেলরোড স্টেশন
রূপান্তরের কাজ সম্পূর্ণ হয়েছে

*স্টেশনটি সম্পূর্ণ অ্যাক্সেসিবল এবং এটিকে উন্নত প্ল্যাটফর্ম নকশা ও পোর্ট জার্তিসের
ইতিহাস দ্বারা অনুপ্রাণিত নতুন শিল্পকর্ম দিয়ে আধুনিক চেহারা প্রদান করা হয়েছে*

ছবি পাওয়া যাবে [এখানে](#)

গভর্নর ক্যাথি হোচুল আজকে এমন একটি প্রকল্প সম্পন্ন হয়েছে ঘোষণা করলেন যেটি পোর্ট
জার্তিস স্টেশনকে রূপান্তর করেছে, এটিকে সম্পূর্ণ অ্যাক্সেসিবল করেছে, এবং একে আরো
আধুনিক চেহারা প্রদান করেছে, এবং গ্রাহকরা এখন রেলরোডে ফিরে আসছে। ওয়েস্ট হাডসন
টার্মিনাস স্টেশনে এই আদ্যোপান্ত পরিবর্তনের মধ্যে রয়েছে এক-গাড়ি দৈর্ঘ্যের হাই-লেভেল
প্ল্যাটফর্ম, পার্কিং লট থেকে প্ল্যাটফর্ম পর্যন্ত কংক্রিট র্যাম্প এবং একটি নতুন সাইডওয়াক।

"আমাদের কমিউটার ট্রেনই মেট্রোপলিটন অঞ্চলের অর্থনীতিকে সচল রাখে, সেজন্য আমরা
সিস্টেমটির আধুনিকায়ন ও সম্প্রসারণে বিনিয়োগ করে যাচ্ছি," **গভর্নর হোচুল বলেন।** "পোর্ট
জার্তিসের মতো আমাদের স্টেশনগুলি উন্নত করা মহামারী থেকে আমাদের ফিরে আসার
প্রয়াস এবং দীর্ঘমেয়াদে অর্থনৈতিকভাবে প্রতিযোগিতামূলক থাকা অব্যাহত রাখতে দেয়।"

প্ল্যাটফর্মে সহজে যাওয়ার জন্য বিদ্যমান পার্কিং লটের উন্নয়ন করা হয়েছে। প্ল্যাটফর্ম
ক্যানোপিটি একটি আধুনিক কাঠের সিলিং এবং স্লিক স্টেশন সাইনেজ দিয়ে নতুন রূপ দেওয়া
হয়েছে। অন্যান্য উন্নয়নের মধ্যে আছে USB পোর্টসহ নতুন বেঞ্চ, নতুন LCS কিয়স্ক এবং
স্টেশনের নিরাপত্তা বৃদ্ধি করতে সিকিউরিটি ক্যামেরা।

পাশাপাশি, প্ল্যাটফর্মে একটি সম্পূর্ণ নতুন কাঁচে-ঘেরা যাত্রী শেল্টার তৈরি করা হয়েছে, এবং
এখানে আছে মেট্রোপলিটন ট্রান্সপোর্টেশন অথোরিটি (Metropolitan Transportation
Authority, MTA) কর্তৃক কমিশনকৃত, পোর্ট জার্তিসের সমৃদ্ধ ইতিহাস দ্বারা অনুপ্রাণিত
শিল্পকর্ম। *বোট হাউজ বাগি (Boat House Buggy)* নামের শিল্পকর্মটি কিউরেট করেছেন
অঙ্কনশিল্পী ও গ্রাফিক শিল্পী আর্মান্দো ভিভ এবং এটির নির্মাতা টম প্যাটি ডিজাইন। ভিভের
শিল্পকর্ম হল পোর্ট জার্তিস নিয়ে তার বিশদ গবেষণার চূড়ান্ত ফল এবং এটিতে শহরের
ইতিহাসের লক্ষণীয় প্রতীক, বস্তু, স্থাপত্য আকার ও শিল্পকে গুরুত্ব দেওয়া হয়েছে। প্রাকৃতিক ও

যান্ত্রিক দৃশ্যের কাঁচের এই সংগ্রহটি স্টেশনের প্রাণবন্ত প্রবেশদ্বার এবং দর্শক ও পোর্ট জার্ভিস সম্প্রদায়ের জন্য অনুপ্রেরণা হিসেবে কাজ করে।

"সম্ভাব্য সেরা যাতায়াত অভিজ্ঞতা প্রদান করলে অরেঞ্জ কাউন্টির আরো বেশি বাসিন্দা নিউ ইয়র্ক সিটিতে যেতে রেলপথ ব্যবহার করবে," **মেট্রো-নর্থ রেলরোডের প্রেসিডেন্ট ক্যাথেরিন রিনাল্ডি বলেন।** "অ্যাক্সেসিবিলিটি বৃদ্ধি থেকে শুরু করে শহরের ইতিহাস ধারক চিত্তাশীল শিল্পকর্ম পর্যন্ত, পোর্ট জার্ভিসের গ্রাহকদের কাছে এখন এমন একটি স্টেশন আছে যা আসন্ন বহু দশক ধরে তাদের সেবা প্রদান করবে।"

"যাত্রাপথে ফেরত আসা পোর্ট জার্ভিস গ্রাহকগণ আরো অ্যাক্সেসিবল এবং অন্তর্ভুক্তিকর স্টেশন ব্যবহার করার জন্য উন্মুখ হয়ে আছে, এটি নতুন গ্রাহকদের আমাদের সিস্টেমে যোগ দিতে আকর্ষিত করবে," **বলেন MTA চিফ অ্যাক্সেসিবিলিটি অফিসার কুমুয়েল আরোইয়ো।** "আমাদের সকল গ্রাহকদের প্রয়োজন মেটানো MTA তে আমাদের কেন্দ্রীয় লক্ষ্য এবং আমাদের শুরু করা প্রতিটি অ্যাক্সেসিবল স্টেশন সেই দিকে একটি নতুন ধাপ।"

"সমৃদ্ধ ইতিহাসকে বরণ করে নেওয়া শহর পোর্ট জার্ভিসকে *বোট হাউজ বাগি* দিতে পেরে আর্টস অ্যান্ড ডিজাইন আনন্দিত," **MTA আর্টস অ্যান্ড ডিজাইনের পরিচালক স্যান্ড্রা ব্লাডওয়ার্থ বলেন।** "শিল্পকর্মটি প্রাণবন্ত এবং অত্যন্ত বিশদ। পোর্ট জার্ভিস নিয়ে ভিভের বিশদ গবেষণা নিখুঁত চিত্রে রূপান্তরিত হয়েছে, এখানে দেখানো শহরের অতীত বর্তমান আগামী প্রজন্মগুলিকে অনুপ্রাণিত করবে বলে আশা করছি।"

প্রকল্পটি শেষ হওয়ার ফলে স্টেশনটি এখন আমেরিকানস উইথ ডিজ্যাবিলিটি অ্যাক্ট (Americans with Disabilities Act, ADA) অনুবর্তী এবং পোর্ট জার্ভিস গ্রাহকরা একটি আধুনিক স্টেশন পেয়েছে। নতুন র‍্যাম্পটির সাথে আরো আছে নতুন নির্মিত এক-গাড়ি দৈর্ঘ্যের হাই-লেভেল প্ল্যাটফর্ম, যার ফলে নির্বাঙ্গাটে স্টেশন পার্কিং লটে যাওয়া যায়, প্ল্যাটফর্মে উঠা যায় এবং ট্রেনে উঠা যায়।

মহামারীর পূর্বে, একটি স্বাভাবিক কর্মদিবসে পোর্ট জার্ভিস আনুমানিক 200 জন যাত্রী, শনিবার গড়ে 150 জন যাত্রী এবং রবিবার গড়ে 230 জন যাত্রীকে সেবা প্রদান করেছে। সাম্প্রতিক সময়ে, মহামারীর চূড়ান্ত সময়ের থেকে যাত্রীসংখ্যা বৃদ্ধি পেয়ে প্রাক-মহামারী সময়ের আনুমানিক 35 থেকে 40 শতাংশে উন্নীত হয়েছে।

অরেঞ্জ কাউন্টির নির্বাহী স্টিভেন এম. নিউহাউজ বলেন, "পোর্ট জার্ভিস স্টেশন উন্নত করার জরুরি কাজ শেষ করতে তাদের নিবেদিত কাজের জন্য এই MTA কে ধন্যবাদ জানাতে চাই। এই উন্নয়ন বাসিন্দাদের (অক্ষম বাসিন্দা সহ) অ্যাক্সেসিবিলিটি বৃদ্ধি করবে এবং নিয়মিত যাত্রী ও ভ্রমণকারীদের ভ্রমণ উন্নত করবে। এটি পোর্ট জার্ভিসের জন্য একটি আকর্ষণীয় সুযোগ এবং এর ফলে পুরো অঞ্চলের যাত্রীরা আরো সহজে শহরে ঢুকতে পারবে।"

পোর্ট জার্ভিসের মেয়র কেলি বি. ডেকার বলেন, "পোর্ট জার্ভিসের মেট্রো-নর্থ রেলরোড স্টেশন আবার খুলে যেতে দেখা অত্যন্ত আনন্দের। হাডসনের পশ্চিমে অবস্থিত একমাত্র এই

অত্যাধুনিক ফ্যাসিলিটি, যা, শুধুমাত্র দৃষ্টিভঙ্গিই নয় বরং এবং আরো গুরুত্বপূর্ণভাবে প্রতিবন্ধী মানুষের ব্যবহারের জন্য সম্পূর্ণ উপযোগী। এরকম একটি বিনিয়োগ আমাদের মহান শহরের দিকে যাওয়া এই লাইনটির সেবায় মেট্রো-নর্থের অব্যাহত দীর্ঘমেয়াদি অঙ্গীকারকে প্রদর্শন করে। আমাদের শহরে সৃষ্ট শিল্প দিয়ে নতুন স্টেশনটির একটি ব্যক্তিগত ছোঁয়াও রয়েছে। পোর্ট জার্তিস শহরের জনগণের পক্ষে আমরা মেট্রো-নর্থ এবং অন্যান্য যারা এই প্রকল্প শেষ করতে কাজ করেছে তাদের 'ধন্যবাদ' জানাই।"

সিনেটর মাইকেল মার্তুচি বলেন, "আমার জেলায় পরিবারগুলি ও কর্মজীবী মানুষের চলাফেরার স্বাধীনতার জন্য পোর্ট জার্তিস লাইন মুখ্য। পোর্ট জার্তিসে এই বিনিয়োগ সকল গ্রাহকদের (অক্ষমতাসহ গ্রাহক অন্তর্ভুক্ত) নিরাপত্তা ও সেবা উন্নত করবে, এবং আমি মেট্রো-নর্থকে আমাদের অঞ্চলের পরিবহন অবকাঠামোর প্রতি তাদের অব্যাহত অঙ্গীকারের জন্য ধন্যবাদ জানাই।"

অ্যাসেম্বলি সদস্য কার্ল বার্বেনেক বলেন, "অনেক বছরের কঠোর পরিশ্রমের পর, আমরা পোর্ট জার্তিস স্টেশনটির জন্য যা অর্জন করতে পেরেছি তা দেখা আনন্দদায়ক। পুরো প্রক্রিয়াজুড়ে, আমি সকল রাজনৈতিক ঘরানার ও জীবনের সব ক্ষেত্রের সম্প্রদায় সদস্যের সাথে কাজ করেছি যাতে প্রকল্পটি আমাদের সম্প্রদায়কে আগামী দিনের জন্য আরো ভালো করতে পারে। এটিই ভালো সরকার হওয়ার লক্ষণ। সরকার যখন জনগণের জন্য কাজ করে তখন কি অর্জন করতে পারে তার প্রমাণ হল নতুন বোর্ডিংয়ে সাহায্য করার জন্য হাই-লেভেল প্ল্যাটফর্ম, প্রতিবন্ধী যাত্রীর জন্য উন্নত র‍্যাম্প, এবং সুন্দরভাবে নকশা করা ক্যানোপি ও যাত্রী শেল্টার।"

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)